

Jaorverslag vastelaovesverieniging De Spurriemök seizoen 2000-2001.

Ut is un bitje tège kost, mar ut huurt now iënmaol bej un jaorverslag en durrum begint ôk dit jaor ut jaorverslag mit de ciefers, de datums en de name van ut carnavalsseizoen 2000-2001.

Ut bestuur bestond uut:

Vurzitter	Jan Nelissen
Penningmèster	Twan Voermans
Secretaresse	Rian Dings
Vorst	Marco de Mulder
Bestuursleje	Wout Zanders
	Peter Claessens
	Martien Steeghs

De raad van elluf bestond dit jaor uut:

Jan Classens	Herman Jacobs	Henk Nabben	Guus Willemsen
Ruud Classens	Jan Lemmen	Ton Nabben	Marc Zanders
Dave Clephas	Erik Loonen	Leo Peeters	Ruud Zanders
Eric Geurts	Hans Loonen	William Steeghs	Fabian Voermans

De raad van elluf vergaderde 5 kier bej Wout en Lilian an de Zandhoek.

Ut bestuur kwaam ien totaal 8 kier bejen.

Ut antal leje bedroeg: 140.

Hiervan ware dur 7 bestuurslid, 17 raadslid en 5 iere-lid nameluk Jan Beerkens, Thei Hendrix, Hay Steeghs, Wil Willems en Gerrit Houwen.

De rest, 111 ien aantal, steunt os verieniging en zit veuran op dun Bonte Aovend.

Zoë now wej de zwaore kost van dit jaorverslag gehad hebbe, kan ik eindeluk beginne mit ut eigelukke jaorverslag van ut carnavalsjaor 2001. Het jaor van ozze Prins Ton I en zien Prinses Wies.

En zoëas elk jaor begos dan ok ut vurrig jaor mit de jaorvergadering, waarvan ik net ut verslag vurgeleze heb. Zaoterdays nao de jaorvergadering was ut vorsteraodsbal, dit jaor dicht bej huus, bej de Knöllekes ien Leunen. De aovend was moi opgebouwd. De twie beste vorste als letste. Bej de twië letste huurde ôzze Vorst Marco natuurlijk ôk. Ut was enne kei gezellige aovend. Dit jaor was er niemand ien slaop gevalle, dus gekund wel zegge dat ie geslaagd was. De zaoterdag daarop volgde den Bonte Aovend

Den Bonte Aovend wier ien gezonge dur ôzze eige raad. Noëit gedocht dat dor zangtalent bej zaat. Daorna wier dur enne voetbaltas op het podium gezatte. Daor kwaam ozze ceremoniemeester uit: Marc Toonen. Marc Toonen praote den aovend anelkaar. Nie vur ut ien of ander Marc haj d'r en paar goeje moppe bej zitte.

Op dun Bonte Aovend wiere dur ok dit jaor wer un antal minse ien ut zunneke gezet. Lilian Zanders wier bedankt vur al her inzet als hulpvorst, ex-prinses, boerebruud, penningmeerster en secretaresse van ôs vereniging. Ze kreeg en moj buske bloemen. Lilian zal betrokke bliëve bej de Spurriemök, zej wurd secretaresse van de Kameraoj van Spurriemök.

Ok wier Anja Willems in de blummekes gezet. Anja wier bedankt omdat ze 15 jaor lang alle artiesten van de Bonte Aovend mit hêt geschminkt. Daorneve wier Marcel Martens genoemd omdat hej 3 jaor lang lid is geweest van de raod van elluf. Hej het 3 jaor lang alle foto's gemakt. Ok hej blijft nog betrokken bej ôs Vereniging. Hej wil afentoe nogwel es naor de camera griepen.

De urste artieste ware Trien en Truuj. Zej han al de ganse aovend naor het gezeik van andere geluusterd bej de wc's. Dus ze wôn hun verhale ôk wel op de buhne brengen. Tijdens hun moj stukste wier de ganse zaal gerefereshd mit wcvverfrisser. De dampe sloege d'r vanaf. Daorneve han ze nog net genoeg cente verdient vur en citroentje.

Nao Trien en Truuke kwame de verhuuzers Bert en Geert Voeste, Selm Nelisse en Guus en Bram de Koning mit d'n durpspolitiek. Veule doeze wiere d'r dan ôk nie verschouwd. D'r wier mier geleut. Ut velt ok nie mit um ut gerei van Jan en Drea Driessen te verhuuze. Ok kreeg de neje voetbalclub en schonmoeder ut te verdure. Volges Selm ware allien de Oelderse veterane nog tege en fusie, zej won nie mit enne stieve knuppel onder den doeche.

Vervolges kwaam Spurriezaod. Zoas wej van dees jonges gewent zien en muziekaal hogepunt. Oeldere mien durpke moj zuuver gezonge op de melodie van ut Wilhelmus. Proatend en zingend kriege Ruud en Peter de zaal op de kop. Peter vertelde dat hej mit zien vrouw same naor de winkel was geweest woar en half rek mit BH's hinge, die ien de anbiejing ware. Ze was an ut dubbe wel koepe nie koepe. Toen zet Peter: vur den pries kunde ze toch nie laote hange. Ik kan dees jonge mar ien tip geve, doe dit jaor mar wer mit.

Dit jaor kwame de brödjes van enne Oelderse bekker. Ze ware dan ok kei lekker.

An al ut moje kumt en ent dus ôk an ut Prinsejaor van Guus en Mariët. Prins Guus en Prinses Mariët han genote van hun prinsejaor. Dat zedde gej jao. Mit ziene afscheidsspeech koste bej elke letter lache. Same mit 11 alt prinse wiere Guus en Mariët kaal nor beneje gehaald. Dat was wel efkus wenne. Vanaf nou was ut wer gewoen Guus ien plats van Prins Guus. Ex Prins Guus en ex-prinses Mariët bedankt vur ut moje Carnavalsjaor 2000.

Daorna was ut de beurt an ozze èige buutreedner Hans Loonen alias Mèster Hanneske. Hej ging efkus ien op het leed wat heej mitmiek al mèster. Ok kwaam zien mèst pientere lierling Pientere Joopie nog efkus terug ien de scholbank. Hej was Mèster Hanneske duk te slim af. En wôj de hiele tied enne mop vertelle, dizze woj hej toch wel hiel ger kwiet: Un junkske woj hiel gèr enne neje fiets, mar zien elders kosse dat nie betale. Durum zet zien moeder vraog dat mar an Sinterklaos. Hej scheef enne brief naor Sinterklaos en goojde den op de brievebus. Bej de PTT mieke ze den brief ope:

Lieve Sinterklaos

Ik bin en junke van 8 jaor alt en ik wil gèr enne neje fiets. Den kost f150,- en mien elders hebbe gen geld. Ik bin altied hiel lief vur mien zusje en verzurg mien zieke oma. Astublijf Sinterklaos help mej.

Bej de PTT zien ze ontroerd en gaon en inzamelingsactie halde, maar ze halde ien totaal f138.- op. Die werre op 5 december nor dat junkske gestuurd. Ut junkske ontvangt den brief en ut geld en is teleurgesteld, ut is nie genoeg um enne neje fiets te koepe. Hej besluit um wer enne brief te sture en net as de vurrige kier werd dizze opgemaakt, en de PTTérs lèze:

Lieve Sinterklaos

Bedankt vur ut geld vur de neje fiets.

Ik kom f12,- te kort dus kan ik miene neje fiets nie koepe. Mar ik wiet zeker dat geij f150,- gestuurd hèt. Die f12,- zun de klootzakke van de PTT wel gejat hebbe.

Daornao kwaam de Kelderband mit en showstuk op de buhn. Getrie Helligers en Henk Jacobs mosse en kapot dreiurgel wer levend make. Nao en kwatier flauwekulle han ze Desiree Nelle en Joep Manders an ut danse en Math Drabbels an de andere kant nekke de buhn ligge. Uuteindeluk speulde ôs eige kelderband Tulpe uut Amsterdam en bleef Math op de buhn. Ut was gewoen en kei moj stuk.

Daorna kosse wej nog en kwartierke luustere naor schelle wazel uut ut Brabantse land. Ien de zaal ging ut te kier Ut schudde en ut waggelde en ut wiebelde en ut bengelde. Ut was enne kei goeje afsluuter. Kortum Bonte Aovend 2000 was zeer geslaagd.

Op 7 januari was ut Prinsraoje. Dit jaor kos iederien ziene favoriete prins 2001 op en A3 schrieve, ien ut klèn wier de naam van degene den docht dat hej de prins van 2001 wis geschreve, uuteraard dong degene mit naor en prieske. Dit papierke wier bej de kandidaat prins vur de raam gehange. Veul huus han posters vur de rame hange. Robert Michels haj de meste posters mar liefst 28. De ganse dag is er enne reporter van Dagblad de Limburger mit Jan Nillesse op pad gewest um te kiek hoe ut Prinsraoje in zien werk ging. Op maondagmerge stond er dan ok en moj stuk mit en moje foto ien de krant. Ut was en moj gezicht Robert Michels ien en trainingspak mit witte sportzök an en de haor nie echt gekemt, Ex-prins Guus mit zien blie snuutje en ozze vurzitter Jan Nillesse. Kortom en goej reclame vur de Oelderse Carnaval. Zoe kos iedereen zien wie de populairste jonge van Oeldere ware. Ovver de posters wier ien Oeldere hevig gepraot. Den haj zoveul posters en den zoveul wie o wie zij de neje prins 2001 werre. Dur ware ok meense die op zich zelf gestemd han. Bej Guus de Kunning hinge drie posters mit zien eige naam d'r bej. Volges mej zal hej ut noëit werre, want enne kunning is högger als enne prins.

Prinseproclamatie

Op zondag 14 januari 2001 was ut dan zo wiet. De neje Prins van Oeldere van 2001 wert bekend gemaakt. De Liende zaat nokie vol. De commissie Prinsproclamatie en Technische commissie han d'r wer en moj decor ner gezet. En voetbalveld mit lampe en 2 Knudde dukouts, iene vur de Knuppels en iene vur de Mökke. Dit haj alles te make mit de fusie van de DIS en Castenray. Ozze prins zij dus wellus enne voetballer kunne zien. De latste 11 prinse die ien de Liende anwezig ware kwame ut podium op ien hun voetbal tenue. Ok ex-prins Marco stond er mit en kop van 1X1.5 m bej. Elke voetbalwedstrijd begint mit ut volkslied. Meestal werre dur goeje zangers gevraagd um ut volkslied te zinge. Daorna han de 11 ex-prinse eise waoran de prins mos voldoen.

Toen kos Vorst Marco eindelijk an zien verhaal beginne. De urste de elf regels ware op iedereen van toepassing. De volgende 11 regels han betrekking op ozze neje Prins van 2001. Mit ut volle licht op de dukout kwaam ozze neje prins uut d'n dukout van de Knuppels. Ozze neje prins van 2001 was Prins Ton I en zien Prinse Wies. Vur Ton en Wies volgde daorna unne drukke middag den natuurluk begos mit zien urste weurd as Prins en ziene lijfspreuk: Trek mit dees dolle daag en carnavalspekske an en ze vère op owwen hoed en alles kumt goed.

De jeugd van de leggere schol stemde vreedags wer op de drie kandidate die wel jeugdprins of prinses won werre. En zondags op de prinseproclamasie kwame Loes Helligers, Daan Willems en Kevin Classens uut dun dukout as Jeugdprinses Loes de urste, Jeugdvorst Daan en Jeugdnar Kevin.

Onglofeluk en nie te bevatte presentierde Loes zich as neje Jeugdprinses mit iën van de mojste lijfspreuke van de leste jaore: enne echte Spurriemök laot zich niet kenne den ziede de ganze carnaval dur de Mökkestal renne. Zej vergeleek ut jeugdprinses zien ien Oeldere mit de gevuul wat Leontien van Moorsel en Pieter van de Hogeband han bej ut behale van enkele Olympisch goude plakken. Nutuurluk is ut ok ongeloofeluk moj as ge gekoze wert tot jeugdprinses van Oeldere.

Dit jaor wier de boerebrulluft georganiseerd dur de Buurt Rond um de gruune mat. Erik Flinsenberg praote ut stukste an en. Al snel wier duudeluk dat ut nie um en boerebruidspaar zij gaon. Toen er un paar onder de doeze vandaan kwaam. Docht iedereen dat ut en homohuwelijk zij werre tusse Leo Clephas en Jac Ambrosius. Zej kwame mitdele dat hun kiender ginge hokke ien plaats van trouwe. Mit en volkswagenkampertje kwaam ut hippiehokpaar binne geloëpe, Rutger Bosch en Sanne Eickmans kwaame binne. Op Carnavalsdinsdag zij er un Mökstockfestival worre georganiseerd mit en hokfiëst ien plats van en receptie.

Dur kwaame veul familie en bekende van de prins Ton kieke, zej kosse nie gelëuve dat den prins van Oeldere was geworre. Ut was enne kei gezellige middag den lang dur ging. Ut was dan ok lang geleje dat ut zo druk was gewest. Theo en Truus hebben nog vaten bej de soos motte liëne, ze ware dur hartstikke dur hin. Dit was en historisch moment nog noëit, tot op dizze dag, zien Theo en Truus fats gezopen.

Na de twèdde zoemer van Theo ging ut ien grote getale naor de Leng. Daor ginge wej eier ete bej Prins Ton en Prinses Wies. Ex-prins Guus en ex-prinses Mariët han goed gezurgd, dur was genoeg vur iederiën. Ok de buurt was goed vertiggewoordigd en iedereen liet de eier goed smake. Nao ut eier ete ging ut meste volk nog naor d'n Terp waor ut naoproate nog lang dur ging.

Jeugd Bonte Aovend

Ok de jeugd van de leggere schol het laote zien dat wej os de kommende jaore nog gen zurge hoeve te make over artieste vur de bonte avond. Dur zit genoeg dans- en acteertalent bej en de kinder kunne allemaol plat praote. De zaal zaat gewoen vol. Dur waare 11 acts op de buhn te zien. Jody Bernall was errug populair bej de mökskes. Ok koste geniete van de moje mupkes van de kiender. Ut was enne geweldig moje aovend de spetters en appels vlogen er van af.

Wej trainde os ien den tied echt te barste, want un paar daag latter mosse wej dur wer an op de JVV aovend.

Ut was iets minder druk dan vurrig jaor. Toch ware er nog ongevèr 80 meense. Mar ok dit jaor was ut gelukkig wer hartstikke gezellig. Nabbe Sef zurgde wer vur de muziek, de volksdansgroep verzurde wer un optreje. Joosten Jan mos dur op dizze aovend an geluuve, zien jaor as JVV prins zaat d'r op. Nao enne leste speech, zette ie de muts mit vere af en genoot same mit zien vrouw Fien van enne moje aovend.

De jonges van de raod belefde op dizze aovend iën van ur rustigste trainingsaovende. Dit jaor was ut ôk wer moeiluk um enne neje J.V.V. Prins te viende. De Jeugd van vroeger hèt allerlei reje en kwaaltjes um gen J.v.v. prins te hoeve zien.

Dit jaor was ut uutkome van de J.V.V.-prins ien dezelfde dukout as d'n dukout van Prins Ton. Uut d'n dukout kwam J.V.V.-prins Toon Ewals en zien prinses Dien.

Nao enne polonaise en un receptie kos ut swinge pas echt beginne. De JVV-ers han ut goed nor de zin, ut was gewoen kei gezellig. De brödjes ginge d'r zoals gewoonluk goed ien. De brödjescommissie haj goed gezurgd. Niemand het hunger geleje, anders was 't ur eige schuld.

Ok kwaam ozze moppekoning Loone Thei an ut woord. Eigeluk zij den gen mopkes mer vertelle mar ien ut Krentje haj gestaon dat dit d'n leste kier zij zien. Zo goed as Loone Thei dan is, haj hej ok dizze kier zien mupkes klaor. Hej kreeg dan ok en onderscheiding umdat dit zien zevende jaor was dat hej ien d'n buutton ging stond. Dit jaor hebbe wej dan ok echt vur de latste kier kunne geniete van zien mupkes. Zo moj as den die mupkes kan vertelle ongelofelijk, dat kunde gewoën nie bevatte.

Ok gaaf Nabbe Sef nog en speciaal tintje an de aovend. Nabbe Sef riep iedereen um zich hin. Ut was en moj gezicht alle JVV-ers ien enne kring um Nabbe Sef. Hej haj en eerbetoën geschreve vur Thei Budiger mit ziene trekbuul. Doarna haj hej nog en liedje ovver Bottervlaai, tja ut velt nie mit als ge af mot valle um van de bottervlaai af te blieve, mar ja dan kunde nog altied proemevlaai of abrikoezevlaai pakke.

Bezoek Jeugdreceptie Leunen dat viel tegelijk mit os eige Altwieverbal. Vur ozze prins Ton I was dit en speciale receptie. Zien nefke Nick was daor Jeugdprins geworre. En goeje reje um daor mit en afvaardiging hin te gaon.

Vervolges kwaam ut Aldwieverbal, zoals elk jaor en kei gezellig en kei moj bal. Ut was drukker dan wej verwaacht han. Gelukkig haj de fam. Custers 25 jaorse brulloft want as d'r nog 40 man mier ien de Liende ware gewest was ut vast nie zo gezellig gewest. Van begin tot ut eind was ut ien groët feest. Bej binnekost zatte er drie scheidsrechters ien d'n duckout. Dit was de jury, die bestond uut: Guus Willemsen, Jan Nelissen en Dave Clephas. Dur hebbe 21 groepen mit gedaon. Allemaol ginge ze natuurluk vur d'n Aldwieverbalwisseltrofee en allemaol mieke ze dur eigeluk wel kans op want iederiën was wer prachtig verkled. De jury hèt de Luuzedabbers laote winne. Zej ware ut mèst origineel verkled en stonke ok ut mest mit hun wc-verfrisser en afgekeurde parfum. Zej ware de hoofdlus an ut bestrije.. Ut is natuurluk wel dubieus dat dit de kameraoj van Jan Nelisse ware. As twède ware de kameroaj van Wil Willems geëindigd. Zej han en zelfgemakt pekske. Vur sommige was dit te iengewikkeld en die kwame nao en paar daage d'r achter wor dit op sloeg. Bej de duo's hebbe "de barkeepers" Theo en Truus gewonne. Ok de boerebrulloftsbeurt haj effe de aandacht vur hun leevend toaffelvoetbalspel op carnavalsdinsdag en haj van elke buurt en paar mense uitgekoze die vur en team moste zurge. Ut beste van ut verke, de koje, de zult en ut parsvleis was dur natuurluk ok wer bej. De vloer was wer glad van de worste en 'snachts mos dur wer enne container eier an geluueve bej Ruud Zanders. Prins Ton haj mit ut eier ete enne hippie-rasta pruuk op gezet en wier um gedoept as Jimmy. D'r wier dur Henk Nabbe nog wat koffie neve ut kopje geschut mar ja dat kriede as ge alder werd. Kortum un Ald Wieverbal zoëas wej dat de leste jaore gewend zien, drukker dan verwacht, moj verkled en biëstig gezellig.

Circus Mök

Zaoterdags durop ginge wej op uutnuëdiging van de Piëlhaas uut Venroy naor Circus Mök. De Piëlhaas biedt de carnavalsveriëningingen die angeslote zien bej de vorsteraod vort jaorluks an um enne aovend mit te make op Circus Mök. Ja, en dan zitte daor mit niks te drinke en un programma wor wej op ozze Bonte Aovend nie tevreje mit ware gewist. Mar ja, we ware dur wer enne aovend uut. Vur sommige was ut erg moeiluk um de ooge oop te halde, hier en daor viel en oogje toe. Wej ware dan ok wer op tied tuus. Dur ware d'r die nor afloep gelijk nor d'n Terp zien genaon.

Ienmiddels was ozze carnavalskrant ut Spurriemökske ok wer verrig. Dit jaor mit veul moje verslage, mar ok mit en moj verslag ovver de carnaval in 2031 waorien Roel Drabbels Prins

zal zien. Zaoterdags vur de prinsereceptie wier ie wer huus an huus verkocht en afgegève bej de advertierders.

Ut prinsehuus wert ienmiddels moj versierd en ok ut hok van ut hokstel Rutger en Sanne wert moj ien de flower power gezet. De verdere vurbereidinge vur ut Hokfieste wiere getroffe.

Mar vur ut zôwriet was, belefde wej zondags, un wèk vur de carnaval, un drukke prinsereceptie. De prinsereceptie is al jaore utzellufde van opzet. Verschillende carnavalsveriëniginge, De Hedsbuule uut de Hei, De raod van de Dreumels uut Horst Natuurluk ontbrook ôk ôs APK-club nie en ware de ridders dur mit en Ton, enne buut ton enne ton geld en ôzze eige prins Ton anwezig.

De buurt liet Prins Ton ien hogere sfeere komme toen d'r en engelke dur de zaal vloog Dur wiere wer verschillende stukskes opgevoerd en de muziek wier verzurged dur de Kelderband, latter afgelost dur de joekskapel "Kleug Zaat" uut Lottum.

Ok wier Lilian ien het zonneke gezet dur de Vorstenraad, zej hed as urste vrouw van de gemente de hugste onderscheiding van de Vorstenraad ontvangen. Lilian nogmaals bedankt vur alles wat gej vur dizze vereniging het gedaon en nog doet.

Traditiegetrouw was dur wer enne klène lientjesrègen en kreeg ozze Prins Ton zien prinseproclamatie. Dit jaor vur de derde kier gemakt dur Petra Raaymakers. De proclamatie die Petra vur Ton gemakt het, is schitterend.

Saoves ging de raod an de eier bej Ruud Classens en bej Jenniskens zaat ut huus, tenminste zoë leek ut, vol mit de rest van Oeldere en enkele verdwaalde Lottummers. Daornao volgde nog enne rustige aovend ien dun Terp.

En dan is ut al snel donderdagaovend. Tiggeworrig vur de carnavalsveriëniging ut begin van de carnaval mit un bezuuk an de carnavalsaovend van de Scouting. Vrejdagsmiddags volgt dan ut carnavalsbal van de leggere schol en as gej dor rondkiekt dan bliekt wel dat de vaders en moeders ien Oeldere nie stil hebbe gezète want dur huppele steeds meer mökskes en mökinnekes rond.

Op vrejdagaovend was ut tied um op ziekebezuuk te gaon. Urst naor Ovverloën, op bezuuk bej en zus en schonbruur van van Ton en Wies. Daorna naor ut ziekehuus van Venlo. Daor laag enne kennis van ozze Prins ien.

Druk was ut ok daags daornao zaoterdagsmiddags ien ut Gemèntehuus bej de installatie van de prinse van de Gemènte Venroy.

Burgemèster Waals maeide ut gras vast weg en begos ovver zien eige wanbeleid bej de gemente. Vorst Teun stont er nao names de kerkdurpe.

De vastelaovesmis was wer erg druk bezocht. De Kelderband zurgde vur en moj stukske muziek.

As leste ien de vastelaovesmis was het wer de beurt an ozze vorst den ien ziene toespraak muziek van Grad en Petran "Zuuu ut ovver 100 jaor hier nog ut zelfde' zien liet huure.

Meense lèf nôw, geniet ervan, wacht nie tot ut te laat is.

Nao de mis ginge wej vur dun 13^e kier bej pastoër op de koffie .

Ien de pastorie kreeg pastoër vervolges nog un moj carnavalsonderscheidinge um ien ziene kast te hange. Patoer woj de medaille nog ger omhalde, hej woj um de volgende dag an zien familie laote zien. Ut is dan ok en welverdiende medaille wor ge trotst op mugt zien .

Nao ut bezuuk an de pastorie volgde enne kei gezellige aovend ien dun Terp.

Zondags was ut moj weer en wier urst Jeugdprinses Loes opgehald en daornao Prins Ton en Prinses Wies. De Kelderband verzurgde wer en moj stukste muziek. Zej zurgde toch wel vur de jus over ut vleis. Ien ozze mökkestal begos de carnaval dit jaor es hiël anders as andere jaore. Ozze Prins Ton en Jeugdprinses Loes kwame same op d'n moter binne um d'n Carnaval te opene. Ut was en moj gezicht mit de matels en de vere op ut scheuriezzer. As ge nie beter haad gewiete hadde gedocht dat er kaalgeplokke kiep op de moter zaat. De band begos enne polonaise te speule den langste den ik oeit heb geloepe. Alle kiender zage dur moj geschmientk uut de dames van de schmientk han goed ur best gedaon. Ut wier un druk en gezellig kienderbal. Ok kreege wej nog bezuuk van Jeugdprins Nick van de Knöllekes, un neefke van prins Ton, Nick haj nie op de receptie van de Prins Ton kunne kome en daorum kwaam hej mit zien raod vandaag. De meense ware nie nor huus te kriege en bleeve dan ok masaal hange ien d'n Terp. 's Aoves was ut groete Mökkebal. Jaommer genoeg was ut nie erg druk, ut was wel kei gezellig

Vur ut Mökkebal zien wej nog ien de soos gewist. Skalaaf! Dit jaor hebbe wej skadanse gelierd, dat was echt moj. Zoas altied was ut wer hèt en druk ien de soos.

Smaondags was ut wer vroeg dag vur ut goed bezochte snotneuzebal.

En dit jaor viel ut kadoetje van de Linde vur de allerklènste mökskes wel goed ien de smaak. Smiddags was ut wèr goed vur d'n optocht ien Venroy en nao dun optocht han de meste wer zonne honger dat zej bej Thiele an han wille gaon. Mar helaas stonde wej vrij achteraan ien den optocht en mosse metiën naor Oeldere vur ut Kienderdiscobal. Ok toen was ut kei gezellig en ging ut lang dur. De kiender han de muziek wor zej van halde en swingde dur dan ok goed op los. Nao afloop ginge wej vur de leste kier lekker ete bej Ton en Lia. Ton en Lia bedankt dat gillie ut huus beschikbaar het gesteld. Daorna was ut enne gezellig aovend ien d'n Terp. 's Nachts hèt Gerrit nog eier gebakke. Jan Classens mende toen hej terug kwaam van de WC dat iedereen naor huus was en ging toen ok mar. Hej haj nie ien de gate dat de overbliers zich verstoppt han. Toen was ut nog enne korte nacht vur d'n dinsdag.

Op dinsdagmerruge haj de buurt Rond um de gruune mat en heerlijk ontbijt georganiseerd vur de buurt. De Kelderband speulde daor en paar moj nummers en ôk Piet Heldens en zien makkers makte moje stukste muziek. Daornao verzamelde de Oelderse zich bej ut Mökstöckfestival. De Zandhoek kwaam mit en heuse Skybox. Daorna ginge de verschillende buurte tiggelkaar leavend toffelvoetballe. Naodat de buurt Rond um de Gruun mat Theo Hellegers an bande haj gelèd, wonne zej de finale en de Mökstocktroffee. Ut bier smiek an beide kante goed. De muziek wier verzurgt dur Laldaldie..... zej zurgde vur enne goeje sfeer. Ok waare dur buutelandse artieste mit ontzettend lange blaosinstrumente um ut gehiël te ondersteune. Nao afloop trok half Oeldere an de andere helf vurbej. Ut was wer enne moje optocht.

Ut was druk ien de Liende. As ge binne kwaamt kwaamde al ien huggere sfeere de geur van wiet en alcohol kwaam ow tiggemoet. De Hippies van Rond um de gruune mat en de rest van Oeldere waare klaor vur ut Hokfiest. Dit jaor wier d'r nie getrouwd mar gehokt. Vur Sanne en Rutger wier ut en druk bezocht Hokfiest. Af en toe wier de muziek onderbroken um te laote merke dat dezze te hard stond. Das ok vraoge um probleme.

Nao de boeremoes en ut hosse ginge de meste naor d'n Terp. Vur de jeugd was ut mökverbrande buute. Ok hier werd menig traantje weg geveegd.

Daorna was de hiele meute compleet in d'n Terp. Ut was erg druk ien d'n Terp.

Vur Jan Lemmen, Leo Peeters, Herman Jacobs, Ton Nabben, Henk Nabben, Hans Loonen en Ruud Classens was ut d'n letste aovend ien ut pak van de raod. Ozze vorst haj dan ok op ludieke wijze enne willug ien d'n Terp gezet. Dees ald raodsleje kosse nou de muts an de willug hange. Vur Jan Lemmen was ut mier dan allien de muts den het alle jaore zo goed carnaval gevierd dat op de leste aovend de mouw van zien pak is afgescheurd. Toen kwaan letterluk d'n aap uut de mouw. Bej Jan was ut gezellig tot op de leste scheur. Um 12 uur was ut mök verbrande zoas elk jaor en treurig moment mar ok en moj moment. Daorna wierder nog lekker ongedwonge dur gefiest tot ien de vroege uurtjes. Nao afloep gut Rob Steeghs altied koffie drinke bej Vorst Marco, dan werd de Prinsemuts opgezet en un foto gemakt. Volgend jaor werd Rob Steegs 50 en misschien werd hej wel de neje JVV-prins.

's Woensdags was ut opruumen ien de Mökkestal.

Daorna nog gezellig nakeuvele bej Prins Ton en Prinses Wies. Die han goed gezurgt en niemand is iets te kort gekomme anders was ut zien egge schuld. Tot overmaat van ramp was de prinseproclamatie gejat. vur en paar kratte bier kos Prins Ton ziene proclamatie terug kriege, al met al is ut goed afgeloep. Wej zun de jonge van de prinseproclamatie volgend jaor toch wel misse. Wie mot er dan op enne ludieke wijze de proclamatie ophange. Zoas elluk jaor hebbe de jonge en moj pletske uitgezocht wor de proclamatie kumt te hange. Daorna ginge wej naor de kerk um en askruuske te hale.

Ut was druk, un groet gedeelte van de jeugd en groëte raod was aanwezig, dur ware veul carnavalsvierders ien de kerk.

Vervolges wier dur nog naogepraot en enne herring gescheld bij d'n Terp. Paula en Gerrit han goed gezurgd dur ware herringe en slaatjes zat.

Kortum Carnaval 2001 was en geslaagd fiëst. Prins Ton, Prinses Wies, Vorst Marco, Jeugdprinses Loes, Jeugdvorst Daan en Nar Kevin, de Kelderband, groëte en klène raod en alle carnavalsvierders bedankt vur dit geweldige jaor.